



Fakamatala fakamuimui taha ki he tu'unga 'oe 'Ea, pea mo e fakafuofua ki he 'Uha .



Sune ki 'Aokosi 2026

Tukuatu: 10 Sune 2026


Koe toe vakai kihe 'Ea 'i he mahina Me:

- Koe faha'i ta'u 'oku kei 'ihe angamaheni ka 'oku lahi 'ae faingamalie ke liliu kihe El Nino 'ihe ngaahi mahina ka hoko.
- Na'e ma'olunga 'ae 'uha 'ihe 'avalisi 'i Vava'u moe ongo Niuua kae 'avalisi pe 'i 'Eua. Tongatapu mo Ha'apai na'e ma'olalo he 'avalisi.
- Koe lahi taha e 'uha 'ihe houa 'e 24 na'e 145.0 mm 'i Niuafu'ou 'ihe 'aho 4.
- Koe 'avalisi 'oe mafana 'oe 'Ea na'e 24.5°C 'aia na'e momokoange ia 'ihe 'avalisi 'aki 'ae tikili 0.7°C.
- Koe mafana taha 'oe 'Ea na'e 32.3°C 'i Niuafu'ou 'ihe 'aho 3.
- Koe mokomoko taha 'oe 'Ea na'e 13.1°C 'ihe po'uli 'oe 'aho 22 'ihe me'afua 'i 'Atele, Tongatapu

Tepile 1.


'Uha (mm) meihe mahina e 6 kuo hili, Tisema 2025 ki Me 2026						
	Tisema	Sanuali	Fepueli	Ma'asi	'Epeleli	Me
Niuafu'ou	155.5	192.5	253.0	274.0	113.5	440.0
Niuatoputapu	189.0	118.8	263.5	206.0	80.0	255.9
Vava'u	451.5	158.9	328.4	188.0	224.6	207.2
Ha'apai	57.8	149.6	257.9	113.0	111.4	96.1
Fua'amotu	127.8	162.9	285.7	319.5	114.6	62.2
Nuku'alofa	115.0	86.5	154.0	313.5	127.5	62.5
'Eua	214.3	205.0	238.0	318.0	95.5	135.7
Ma'olalo ihe 'avalisi		'Avalisi angamaheni			Ma'olunga 'ihe 'avalisi	

Kalafi 1.




Koe fua óe mafana óe 'Ea moe 'Uha mei he ngaahi vahe lalahi 'o Tonga íhe mahina e 13 kuo hili.


**Fua'amotu (3097) - Temperature & Rainfall for the last 13 Months
(May, 2025 - May, 2026)**



**Lupepau'u (3091) - Temperature & Rainfall for the last 13 Months
(May, 2025 - May, 2026)**



**Ha'apai (3092) - Temperature & Rainfall for the last 13 Months
(May, 2025 - May, 2026)**






Fakafuofua kihe 'Uha moe Mafana 'oe 'Ea mei Sune ki 'Aokosi 2026

- 'Oku fakafuofua 'ihe 80% 'ae faingamalie ke hoko 'ae faha'ita'u El Nino 'ihe vaha'a taimi Sune ki 'Aokosi.
- Koe fakafuofua koe 'uha 'e lahi pe ke ma'olalo 'ihe 'avalisi 'ihe kotoa e 'otu Tonga
- 'E mokomoko ange 'ae 'Ea 'ihe 'avalisi 'o tatau pe 'ihe taimi 'aho pea moe taimi po'uli 'ihe 'otu Tonga.

Tepile 2. Fakafuofua e 'uha ki Sune — 'Aokosi 2026

Feitu'u	Fakafuofua ki he 'Uha Sune— 'Aokosi 2026		% Faingamalie ke hoko 'ae fakafuofua
Niufo'ou	Ma'olalo 'ihe 'avalisi	274 mm – 419mm	60 - 80
Niuatoputapu	Ma'olalo 'ihe 'avalisi	240mm – 360mm	60 - 80
Vava'u	Ma'olalo 'ihe 'avalisi	251mm – 355mm	60 - 80
Ha'apai	Ma'olalo 'ihe 'avalisi	195mm – 314mm	60 - 80
Fua'amotu	Ma'olalo 'ihe 'avalisi	270mm – 397mm	60 - 80
Nuku'alofa	Ma'olalo 'ihe 'avalisi	236mm – 369mm	60 - 80
'Eua	Ma'olalo 'ihe 'avalisi	270mm – 397mm	60 - 80



Koe ngaahi faka'ilonga tu'ufonua 'ae faha'i ta'u momoko.

- Koe 'aho nonou moe mokomoko ange 'ae 'ea koha faka'ilonga ia kihe 'akau 'oku ofi 'ae taimi momoko koia ai ke mateuteu.
- Koe taimi 'oku fakatolau ai 'ae lau e 'akau koe faka'ilonga ia 'oe ofi 'ae taimi momoko.
- 'U'ua e moa he po'uli kimu'a he 12 tu'apo 'oku faka'ilonga koe po 'e hahau mo momoko.
- Koe taimi 'oku lahi ai e 'asi 'ae 'unufe kula 'i fale koe faka'ilonga momoko e 'ea
- Koe 'asi 'ae mongomonga 'ihe taimi momoko 'oku ne talamai koe 'uha 'oku ofi mai pea oku vave aupito pe ene hoko.

Lau mahina fakatonga moe ngoue ('Ufi):

Koe kongā 'o Hilinga kelekele, Hilingame'a, 'Ao'ao, Fufunekingā (Kongā o Sune ki 'Aokosi).

Koe faha'ita'u 'oe ututa'u, kuo lahi e ngaahi ma'ala 'ufi kuo utu pea kuo fiefia 'ae kau tangata o tokanga kuo nau tokoto pe 'o kai meihe 'enau ma'ala.

Ngaahi me'a mahu'inga ke tokanga kiai :

- Koe faha'i ta'u momoko eni oku tau lolotonga 'iai 'aia na'e kamata 'i he 'aho 1 'o Me pea 'e toki ngata kihe 'aho 31 'Okatopa. Koe taimi foki eni 'oku si'isi'i ange 'ae 'uha 'i hono fakahoa kihe fa'ahita'u mafana.
- Fakatokanga'i ange 'e 'iai pe 'ae ngaahi po 'e ki'i mokomoko lolotonga 'ae liliu koeni 'ae fa'ahita'u.
- Tanaki e vai 'ihe taimi 'oku 'uha ai pea ngaue fakapotopoto 'aki.
- 'Oku fale'i atu kihe kakai ke tu'u mateuteu ma'u pe.
- Fakapapau'i 'oku ma'u 'ae ngaahi fakamatala fakamuimitaha meihe Va'a Ngaue kihe Fakamatala 'Ea.
- 'Oku toe fale'i atu pe foki ke ma'u 'ae ngaahi fale'i meihe ngaahi kupu fekau'aki tautefito kihe ngaahi va'a 'oku tu'u lavea ngofua kihe fakatamaki fakaenatula 'o hange koe Potungaue Ngoue, Potungaue Mo'ui, Poate Vai moe Va'a kihe ngaue kihe Fakatamaki Fakaenatula ke matu'utaki pea faka si'isi'i 'ae uestia moe maumau 'e ala hoko tupu meihe ngaahi fakatamaki fakanatula.

Koe fakamatala 'Ea hoko 'e tuku atu ia fakafuofua kihe uike 2 'o Siulai 2026 pe ofi kiai.

Fakatokanga'i ange.

Koe fakamatala ni 'oku fa'u ia 'i he 'osi pe 'ae mahina kotoa hili hano tanaki mai e fakamatala mei he ngaahi 'ofisi vakai matangi 'I he 'otu Tonga ni. Lolotonga hono fakahoko 'ehe Potungaue 'a hono 'anlaiso mo fakapapau'l 'ae ngaahi fakamatala kuo tanaki ke fa'u 'aki 'ae fakamatala ni , 'oku 'ikai ke fakapapau atu 'ae Potungaue kihe kakato moe tonu 'ae fakamatala ni pea 'oku 'ikai ke totonu keke falala kakato kihe ngaahi fakamatala ni. Koe ngaahi fakamatala ni 'oku 'oatu pe ke tokoni ki ho'o fai tu'utu'uni. He 'ikai ke 'iai ha kaunga 'ae Potungaue ki ha'o faitu'utu'uni pe ko ha mole, maumau pe mo'ua 'e hoko tupu mei ha'o ngaue'aki 'oe fakamatala ni. Ki ha'o toe faka'eke'eke fekau'aki moe fakamatala ni pea ke kataki 'o fetu'utaki mai ki he talekita 'oe Potungaue Vakai Matangi 'I he metstaff@met.gov.to pe koe puha 1380 pe koe telefoni: (676) 0800638, 7400062 ki ha toe fakaikiiki.